

Ioannes Baptista Giattinus

‘Ariadna Augusta’

Tragoedia
(1662)



Jan-Wilhelm Beck
Institut für Klassische Philologie
Lehrstuhl Lateinische Philologie
Universität Regensburg
Universitätsstraße 31
93040 Regensburg
Juni 2007

Argumentum

Nititur haec Tragaedia iis, quae perstricte referunt historici, praesertim Iornandes lib. de Regnorum ac temporum successione et Petrus Garzia in vita Zenonis Imperatoris. eius argumentum ita se habet: Hyllus, Zenoni Imperatori carissimus eiusque palatii generalis Praefectus, invidentia stimulatus contra Leontium, Ariadnae Imperatrici addictissimum, fraudem cum Dolone, supremo Cancellario ac sibi familiarissimo, in Ariadnae perniciem molitur Olethriae ope, quae Imperatrici a secretis erat, sed clam Dolonis amantissima. haec literas ignotis notulis, quae vulgo cifrae dicuntur, ad Leontium mittit, quasi essent ab Augusta scriptae, et eiusdem obsignat annulo, quibus Leontius compellitur ad Zenonis caedem perpetrandam oblato illi Caesaris sceptro ac toro; idque eo facilius peragi potuit, quod Augusta revera Leontio dederat cifrarum exemplar earumque significacionem. Zeno ex hisce literis ad se delatis uxorem nefandi ream sceleris ratus Adrasto mandat, ut illam noctu adortus in toro iacentem confodiat. Ariadna ea recognita Olethriam sibi iam suspectam ad suum torum invitat; ipsa vero ad Achatium Patriarcham confugit. Adrastus Olethria confossa, quam per tenebras Ariadnam credidit, rem peractam Zenoni renunciat; hic simulans Augustam repantino morbo sublatam lugubrem ornatum induit, sed ab Achatio reprehenditur, et fraus detegitur.

Actores

Zeno	Imperator
Ariadna	Zenonis coniux
Hyllus	<Praefectus palatii, Zenoni carissimus>
Dolon	<Cancellarius supremus, Hylli familiarissimus>
Leontius	<Dux supremus armorum, Ariadnae addictissimus>
Dioscorus	<Leontii familiarissimus>
Achatius	<Patriarcha>
Adrastus	
Phaedrus	<puer quindecim annorum, Ariadnae familiaris>
Centurio	
Legatus Aegypti	
Nuntius	

Actus primus

Scena prima

Dolon, Hyllus

Dol.	Zenonis in nos gratia allapsu licet Fluat benigno nosque regnantis prope Ad culmen ulti provehat, inanes tamen Vmbras adhuc tenemus et blandos dolos Sortis malignae, dum feros in nos vibrat Augusta visus, tabe dum nostra tumens Halat venenum. faemina et coniux furens Malum est medelae nescium, exitio opprimit.	5
Hyl.	Me provehat Zenonis ardescens amor, Meam ad ruinam provehit, rabidae strigis Dum pervicax susurrus Augustum quatit Odiumque nostri paene guttatum viro Instillat uxor; gutta si lapidem cavat, Plus mulier acri sibilo arrodit virum.	10
Dol.	Haud vana trepidas: semper odiorum tenax Augusta nostram concoquit cladem sinu. Quin et muliebri subdit ardori faces Semper novas Leontius acerbus tui, Sed tectus hostis, cui pares sceptro facit Animos amantis perditae Augustae favor.	15
Hyl.	Hic est malorum gurges, haec primum lues Est dissipanda. defluit plantae vigor Humore dempto. faemina, ut vitis, nisi Innixa fulcro, vim suam nunquam exerit.	20
Dol.	Leontius levabit oppressus metum, Sed non levabit penitus; Augustae furor Fovebit odia, dum foveat vitam calor, Eritque nostrum sola ad exitium satis. Audere si quid praestat, hinc ausum prius Est auspicandum; non nisi Augusta simul	25
	Cadente sospes nostra perstabit salus.	30
	Nocet medela, ni petat morbi caput.	
Hyl.	Molimen ingens meditor; Augustae necem Per omne facinus molior, tandem dolo Ariadna nostro coniugis ferro cadet. Sed faeminae actus faeminae casses struat; Olethria summam facile votorum dabit.	35

Dol.	Illi patescit, quidquid arcanum fovet Augusta, quidquid paginae et caecis notis Concredit; illi plena in Augustae annulum Datur potestas. tota in Olethriam fluit Ariadna, cordis abditos pandit sinus. Fraus hinc petenda; certior fraudi est via, Quae non cavetur et tamen cunctos subit Dominae recessus. figere hic fraudem iuvat.	40
Hyl.	Figam, nec ullus effluet segnis dies. Olethriam tu consule et, quidquid vides Favere votis, urge et in maius trahe.	45
Dol.	In nostra vota pectus Olethriae flagrat, Sed arte ventilabo pellaci faces.	50

Scena secunda

Zeno, Leontius

Zeno	Semota late regna dum princeps regit, Regnare solus, regere non solus potest. Subiecta quale in membra dominatur caput Spargitque vitae robora et habenas trahit, Talis per ampla regna dominantis vigor	55
	Se fundit et virtutis afflatu meat. Minister, est regnantis et vis et calor, Quibus remotas animat imperii plagas. Sed imperanti primus incumbat labor,	
	Vt arma - nervos quippe regnorum - manu	60
Leo.	Tractet fideli, provida, forti, pia. Hinc te, Leonti, longa quem virtus probat Et fixa nostro semper obsequio fides, Digne supremum seligo armorum ducem.	65
Zeno	In me profusum gratiae augustae decus Adoro pronus; muneri tanto parem Me nulla virtus reddit, haec solum tuae Ministra mentis arma tractabit manus.	
	Ducis supremi tesseram, virgam cape	70
	Et martis una regimen; ad pacem magis Quam bella custos pacis armatus praei. Sit meta bellis unica et pax et quies.	

Leo.	Tua iussa, tuus attactus huic virgae impetum Martisque robor impriment; mentis tuae Transfusa virtus bella vel pacem geret.	75
Zeno	Tutamen ac levamen imperii tuam Optant, Leonti, dexteram, at mentem magis, Quam plena virtus fulta consilio regat.	
Leo.	Dextram, crux, quidquid hic spirat mei, Devoveo iussis, nutibus, votis tuis. Auguste, tua mens animat hos arctus magis Quam meam ipsa vita; non me praeficis Armis, sed in me praeficis temet ducem.	80
Zeno	Sat novimus Leontium. Augustam quoque Venerare supplex; quippe te bellis ducem Et ipsa tecum destinat, cuius manu Tibi iam paratae chlamydis ornatum cape.	85
Leo.	Vtriusque claram syderis lucem colo Maioris et minoris, hinc felix dies Et inde nox serena volvuntur mihi.	90

abit Leontius.

Scena tertia

Zeno, Hyllus

Hyl.	Auguste, laetam gratulor imperio diem, Sed mihi supremam; quippe ad augustos lares Praecludit omnes obiice obducto vias.	
Zeno	Tibine, profundos Zeno cui laxat sinus Latentis animi, regia in conclavia Prohibetur aditus? sceptrum quis tecum geret? Quis imperanti iura Zenoni dabit?	95
Hyl.	Leontius, cui tota se fundit flagrans Augustae amantis gratia. hic tantus calor Aestu maligno digerit tabem meam. Ariadna tecum pervicax bellum gerit, Occulta Erymnys, et meam cladem struit. Est illa Domina, est mulier, est coniux tua, Est Imperatrix; unicum nomen foret Satis superque, cuncta quid praestent simul?	100

Sat vixit Hyllus regiae; solum potest
In ea perire, ni procul quaerat sibi

105

- Remota ab aula exilia et ignotas plagas.
 Sed ibo labis purus et fidei tenax,
 Quae semper una perget exilii comes. 110
- Zeno Te falsus umbra territat vana color.
 Nostras per aulas inferet nunquam caput
 Muliebre regimen; imperat solum colis
 Et in Minervae pensa ius totum dabit.
 Quid, quod nec ipsa parcior laudes tuas
 Augusta iactat nec tuo piae se gerit
 Adversa lucro studia? dissimulet licet
 Seseque celet, aliquis erumpet tamen
 Teter maligni cordis e fibris odor. 115
- Hyl. Laesura morsu rabida non latrat canis,
 Designat ictum tacita. iam sensus tuos
 In me furens Augusta propensos videt
 Et hinc venenum condit ac nutrit sinu
 Aptumque tempus captat, ut tandem vomat.
 Vxoris arcto cingit obsidio virum 120
 Nec vim remittit, donec obsessum domet
 Palmamque voti compos et victrix ferat.
- Zeno Erras: muliebres nosco mellitos dolos.
 Hyl. Vxoris Argos fallit oculatos amor.
 Zeno Suspicio iam praemonita fallentem cavet. 130
 Hyl. Leontius me nixus Augusta premet.
 Zeno Leontium tu nixus Augusto opprime.
 Hyl. Occulta tendet retia Ariadnae manu.
 Zeno Occulta franges retia hac fretus manu.
 Hyl. Est morte peius vivere tot inter metus.
 Zeno At saepe mens sollicita sibi fingit metus.
 Hyl. Despondet animus.
 Zeno ratio confirmet virum.
 Hyl. Da posse ab aula cedere.
 Zeno hoc Caesar nego.
 Hyl. Concede fidei hoc, Caesar.
 Zeno hoc tu Caesaris
 Concede amori.
 Hyl. prodigus vitae tuis 140
 Succumbo iussis.
 Zeno prodigum Zeno sui
 Se spondet Hyollo.
 Hyl. monstra me Ditis petant,
 In me trisulcas astra devolvant faces:
 Haerebo semper Caesari, atque Hylli cinis
 Fixam fovebit usque Zenoni fidem.
 Zeno Longaevo in Hyollo spero vitalem fidem. 145

Scena quarta

Hyllus, Dolon

Hyl.	Ardentior me Zeno complexus suae Perenne columen gratiae spondet mihi. Sed quod meas iam sternit ad fraudes viam, Suspicio pectus Caesaris sensim subit Vmbrisque tenet, quod per Augustae dolos Leontio faventis exitium mihi Credat parari: fixus hic haeret pavor Zenonis animo sibilo iniectus meo.	150
Dol.	Scite serendis fraudibus sulcos agis; Nec ipse lentus oscitor: cuvis malo Apte gerendo machinam hic clausam gero. Arcana signa haec pagina et puncta et notas Cunctos latentes exhibet; solum patent Leontio atque Augustae, ut his tuto invicem Signent papyrum, sensa et occulte exprimant. Olethria hoc exemplar et clavem simul, Quae pandat haec aenigmata hic, furtim dedit.	155
Hyl.	Claves dolosas intima ad sensa obtines. Vtriusque mentem certus inopino potes Astu subire, caeca laxatur via Nostros ad usus; struere quid magnum decet.	160
Dol.	Iam struximus. Leontio his scriptam notis Olethria spondet paginam, Augustae quasi Dextra exaratam grande suadentem scelus Quam mox patrandum, nempe Zenonis necem.	165
Hyl.	Spondet mea supra vota.	
Dol.	mentitis notis	
	Spirans venenum pagina Augustae tua Delata fraude, tabida afflabit lue Legentis ora, Tartara in pectus vomet!	170
Hyl.	Ergo hanc papyrum, quae sub arcanis notis Sensus latentis indices caecos fovet Versatque fraudis machinam, Caesar gerat.	175
Dol.	Tu porridge et spem suscita horrendum fore, Vt mox scelus deprendat uxoris manu Clausum sub his aenigmatis; haec spes doli Cito aucupandi Tantali accendet sitim.	180

Scena quinta

Leontius, Dioscorus

- | | | |
|------|--|-----|
| Leo. | Grates Olympo, cuius afflatu fruor
Mihi tam secundo. quanta ab Augustis modo
In me redundant gratia! enervi iacet
Invidia nisu, meque sublimi vehens
Fortuna gyro mobilem sistit rotam. | 185 |
| Dio. | Adhuc, Leonti, findis incertum salum.
Ne fide pelago: saepe sub risu tegit
Acres procellas; non adhuc portum tenes.
Et dum iacente torpidam vultu refert
Invidia maciem, virus internum ciet
Acuitque dentes, rabida ut in vulnus ruat. | 190 |
| Leo. | Feror per undas, fateor. at quisnam furor
Astri invidentis adeo inhaerentes mihi
A me revellat princeps? nunquam diu
Invidia se dissimulat; eructat gravem
Semper mephitim, tabe se prodit sua. | 195 |
| Dio. | Felix suomet ebrius et audax bono
Se fraena sortis flectere ex voto putat.
Sed quid? tuane totus e mente excidit
Hyllus? nec Hylli subdolas artes tremis?
Nec efferatum pectus obtectum dolo!
Te sospitali sydera allapsu beent,
Hic te cometes terreat repens solo. | 200 |
| | Vos ampla quamvis aula non capiet duos,
Qualesque mutant Castor et Pollux vices,
Tales per aulam vester alternat favor:
Attollet alter? alter abiiciet caput. | 205 |
| | Dum perflat aura regiae, et nostris favet
Ariadna caeptis, ocyus pestem opprime;
Hyllumque ab aure Caesaris, qua vi potes
Et arte polles, abstrahe et longe amove. | 210 |
| Leo. | Hylli fragores rideo; imperii rego
Solus ego habenas, arma dum solus rego. | 215 |
| Dio. | Moves minister arma, sed Zeno regit. | |
| Leo. | Me sospitans Augusta Zenonem regit. | |
| Dio. | Regit, sed Hyllus fortius. | |
| Leo. | at uxor praeit. | |
| Dio. | Fraudis magistrum, sceleris artificem time. | |
| Leo. | In se ruinam saepe nimis audax trahit. | |
| Dio. | Audacibus fortuna nec raro favet | 220 |

- Leo. Audacibus sed impiis raro favet.
 Dio. Sibi quisque proditoris insidias cavit.
 Leo. Praestat cavere, texere at fraudes pudet.
 Dio. Dum fraus cavetur fraude, cur fraudis pudet? 225
 Leo. Est turpe fraudem reddere, est miserum pati.
 Dio. Fraus ad medelam fraudis est plane innocens.
 Leo. Medela turpis aegrius morbo gravat.
 Disces mederi, quando nil proposit, malo.
 Deprehensus Hylli cassibus sero gemes
 Non fraude praecavisse fallentis dolos. 230
 Leo. Laudis sequacem quaelibet inundent mala,
 Nunquam decori taedet aut recti piget.

Scena sexta

Achatius, Leontius

- Ach. Coelo annuente laetus optatis fruor,
 Dum, ductor, aquilas martis Eoi regis;
 Virtute dignos gratulor honoris gradus. 235
 Leo. Verende Praesul, oscular pronus manum
 Plusquam paternam semper urgentem mea
 Vbiique decora; semper haec etiam tuis
 Addicta iussis arma disponet manus.
 Ach. Cultus Tonantis, sancta maiorum fides
 Dominentur armis; fastus, ingluvies opum,
 Furor, libido, laudis enormis sitis
 A te tuisque ferveant castris procul.
 Non te flagellent vitia, sed virtus agat. 240
 Tua castra vallet aequitas, pietas, pudor,
 Amica recti ratio; sic Coeli favor
 Tuis sub armis militans palmas dabit.
 Leo. In te loquentis Aetheris linguam colo
 Venerorque voces; excoalent cordis sinum
 Delapsa Coelo haec monita palmarum mihi
 Futura post hac semina et felix seges.
 Tuum est potenti dexterum Numen prece
 Ad signa nostra flectere; o quantum, Pater,
 Praestant precantium vota telorum ictibus! 250
 Ach. Votis Olympus annuat, vota et preces
 Caetus fidelis arma fortunent tua.

Actus secundus

Scena prima

Leontius, Dioscorus

- Dio. Audi monentem tempori. frustra dolet,
 Qui sero cavit; poenitet stultum sui
 Extra medelam, quando praecipitant mala.260
 Hyllum pavesce; dum potes, cladem para,
 Et, ne, Leonti, corruas, Hyllus cadat.
- Leo. Tutatur Hyllum Zeno et arcanos libens
 Hylli susuros captat; est blandum malum
 Amica syren Caesaris ad aurem canens.265
 Nec facile vellas, corda quod blande subit.
- Dio. Praecelsa virtus arduis sese probat.
 Non solus Hyllum distrahes; ingens trahis
 Ad ausa pondus: viribus iunctis adest
 Augusta tecum. semper infenso ac truci270
 Spectavit Hyllum lumine. accedet novi
 Nunc fomes odii; nam Dolone interprete
 Olethriae per ora vel scriptas notas
 Mens tota in Hyllum nesciae Augustae fluit:
 Ignara fraudis, perfida Olethriae fide275
 Ariadna faede proditur et Hyllus patet.
 Haec si tuis expressa flexanimis modis
 Augusta norit, congeret in Hylli caput,
 Irata quidquid Caesaris coniux valet.
- Leo. Olethria tantum labitur? amantem sui
 Dominam nefando turpe denudat probro?280
 Dio. Dolonis igne torrida infringit fidem.
- Leo. Famulae pudendum detegam Augustae nefas
 Hyllique fraudes asseram, ut vitet vafri
 Sinonis artes, ne quid incautis struant.285
- Dio. Mox quando fandi mollius tempus favet,
 Zenonis uxor questibus, diris probris
 Iactis in Hyllum Caesaris amorem prece,
 Fletu, eiulatu, mollibus, duris modis
 Compellet, hanc ut regia vulpem extrahat.290
- Leo. Monebo, ne se Olethriae credat nimis
 Augusta et Hyllum regia, quovis queat
 Fuco decori, pellat et regnet procul.

Scena secunda

Zeno, Hyllus

Zeno	Nondum resedit animus? insidias adhuc Suspicio tristi sparsa diffundit metu?	295
Hyl.	Lux alma certo monstrat insidias metu. Hylli cruorem, Caesar, ardenter sitis, Nisi explicatis subtrahas Hyllum plagis. Sinas ab aula, Zeno, et Augusta procul Me fugere ad orbis prorsus ignoti solum.	300
Zeno	Fuge; fugientis ibit et Zeno comes.	
Hyl.	Vnius Hylli sedat Ariadnam fuga.	
Zeno	Vnius Hylli Zeno non patitur fugam.	
Hyl.	Patietur ergo funus. et cuius manu?	
Hyl.	Leontii.	
Zeno	me Caesare an tantum audeat?	305
Hyl.	Addit animos Augusta.	
Zeno	Caesar detrahit.	
Hyl.	Dolum sub umbris construent.	
Zeno	Caesar vigil Scrutatur umbras.	
Hyl.	saepe vigilantem latro Fallit per umbras.	
Zeno	Caesaris vultus diem Vbique praefert.	
Hyl.	insolens, audax novus Est ordo fraudis.	310
Zeno	insolens, audax nova Zenonis aderit cura.	
Hyl.	Zenonis colo Oracula vocis; nam quid ignavus meas Horresco clades? astra devolvant vices,	
	Quas fata poscunt; voveo Zenoni caput. Sed quo medullas abditas fraudum queas	315
	Lustrare, Caesar, paginam ignotis cape Signis notatam. signa quid valeant, docet Adiectus index; his latebrosas notis	
	Augusta saepe literas scribit suo Leontio et responsa furtive capit.	320
Zeno	Vnde hanc potiris?	
Hyl.	nuper occulte dedit Olethria, cui sat viscera Augustae patent.	

	Exemplar ipsa exscripsit atque eadem brevi In has daturam literas spondet manus, Quas destinat Leontio his pictas notis Augusta, cordis sensa quo solus legat.	325
Zeno	Hac arte clausam coniugis mentem iuvat Adire furtim.	
Hyl.	Caesar, haud vanis agi Me somniis iam senties: nosces meum, Nosces per haec aenigmata, heu, guttur peti.	330
Zeno	Si novero, probe ulciscar et, si quod scelus Cudetur in te, construi in memet putem.	

Scena tertia

Hyllus, Dolon

Dol.	Amica sortis aura iam, plusquam libet Optasse, nos fortunat et caeptis adest. Hanc symbolis epistolam arcanis sua Manu exaratam tradit Olethria et quasi Nomine Ariadnae scripta et Augustae annulo Signata se Leontio sistet suo. Quid ea latenter innuat, claris notis Exponit haec papyrus.	335
Hyl.	ea paucis refer.	
Dol.	Ariadna furiis percita et amoris face Leontio despondet et sceptrum et torum, Si quo peremptus occidat Caesar dolo. Illi nefandum perfida iniungit scelus Totumque in ipsum congerit Avernum ferox. Vtramque tute paginam Augusto dabis Blandoque dexter condies fraudem sono.	340
Hyl.	Orci colubrum virus halantem Stygi Papyrus haec vibrabit Augusti in sinum. Hic proditur amor, vita, fortunae, decus Et, quidquid est Zenonis. heu, qualis ruet Isthinc procella! trucius irato Iove Haec fulminabit pagina et strages feret.	345
Dol.	Sed aptius concinnet hanc fraudem prius Digestus ordo sceleris et veri color Offusus arte. fallat ut plene dolus,	350

	Pars una reliquis consonet; durum nihil, Nil non canorum concrepet et aptum minus.	
Hyl.	Vires, medullas, viscera et, quantum coquit Hyllus veneni, congeram. Augusta occidit. Repugnet Aether, sydera obsistant, Tonans Nec ipse sistet impetum fraudis meae.	360
Dol.	Et Hyllus alter Zeno ius mecum dabit.	

Scena quarta

Phaedrus, Adrastus

Phae.	Torpes adhuc, Adraste? quid tandem paves? Cur te sequentem gratiam Augustae fugis? Quid parcis Hyllum perdere? Augustus tuo Ab ore sensus haurit et mentem libens Ad tua reflectit monita: deluso explica Aulae Sinonem Caesari et monstrum biceps.	365
	Hoc sperat a te regia; hoc voto, hoc prece Ariadna poscit anxia. hunc si Protea Pelles ab aula, prodigam Adrasti lucris Augusta spondet gratiam, vires, opes.	370
Adr.	Servire Dominae nutibus nostro foret Fortuna voto maior; haud prono tamen Cursu ruamus. Caesari gratum sonat, Quod insurrit Hyllus, et pestem bibit Vitale murmur aure decepta ratus.	375
	Est lente agendum: principi quidquid placet, Sensim revellas; quodque regnantis semel Insedit animo, facile non cedit loco. At non hebescet lingua, nec nostri piger Conatus oris Caesaris ad aures strepet.	380
	Sed blandus idem melleos promet sonos; Hac versipellis arte succussus cadet.	385
Phae.	Fasces remotos, regimen imperii, procul A regia Hylo destinet Caesar; modo Aula exigatur, sceptrum semotus gerat. Fucos honoris atque speciosas procul Praetende formas Caesari; o quantum tua	390
	Suadela mentem Caesaris versat potens!	
Adr.	Calcar furenti figis. augusto e lare Eiectus Hyllus redderet purum diem	

Bizantio, aulae, Caesari, Augustae, mihi.
Ergo suprema in ausa iam pronus ferar. 395

Scena quinta

Phaedrus, Centurio, Leontius, Dioscorus

- | | | |
|-------|---|---|
| Cent. | En hic, Leonti, martis Eoi decor
Tibi auspicari fausta supremi ducis
Praegestit orsa, ludicram pugnam dabit
Armis amicis consonam rhythmo cohors.
Proludet hic tua proelia et palmis tuis
Protendet omen, rythmicus pugnae fragor. | 400 |
| Leo. | Sequantur omen astra. plaudentis iuvat
Spectare pubis ludicra et primos simul
Libare flores indolis; nostro altius
Defixus animo vester hic ardor manet. | 405 |
| | <i>fit ludicum.</i> | |
| | <i>abit chorea.</i> | |
| Leo. | Generosa pubes, dexteram ad palmas para,
Para ad triumphi lauream invictum caput. | |
| Phae. | Augusta fervet, aestuat, cunctas ruit
Audax in artes, queis ab Augusti auribus
Deturbet Hyllum; Phoebus haud clarus sibi
Affulget, hoc ni regiam purget probro. | 410 |
| Dio. | Expers timoris nec mihi assurgit dies,
Dum regnat Hylli gratia. | |
| Phae. | 415 | Adrastum quoque
Ad hoc fatigat Domina; sollicitat prece
Achatium, qui primus Eois sacra
Dat iura populis. urget, instigat, premit,
Artes ut Hylli frangat atque aulam levans
Hyllo repulso reddat Augustum sibi. |
| | <i>Et tu, Leonti, iunge conatus; cie</i> | 420 |
| | <i>Plenos avorum spiritus, plenos tui.</i> | |
| | <i>Zenonis aures obside atque Hylli catus</i> | |
| | <i>Retunde murmur, hoc tua inculcat salus.</i> | |
| Leo. | Mihi atque Dominae haud deero; moliri iuvat
Extrema cuncta, forte si pestem Stygis
Queam sub Orcum trudere. Augustae interim | 425 |

- Hoc defer unum, Phaedre: ne fidat nimis
Olethriae nec intimum pandat sinum.
- Phae. Monebo. nunc Augusta, ne quis literas,
Quibus latentem creditis mentem invicem,
Oculatus Argus luce furtiva legat,
Hoc literarum tractibus scriptum novis
Tibi schema tradit, unde, quam quisque exprimat
Fictus character literam, clare patet. 430
- Leo. Hac arte fraus decipitur, ut, dum per nefas
Ius literarum frangit, illudat sibi.
Supplex amoris oscular pignus novum
Dominaeque dextrae gratias impar ago. 435

Scena sexta

Zeno, Adrastus

- Zeno Famulata semper Caesari Adrasti fides,
Semper vel ipsa purius candens nive
In liberos prorumpat audacter sonos. 440
- Adr. Me, Caesar, aulae stimulat augustae decor
In te redundans, liberum si quid loquar.
Hyllum pavescit, regiam quisquis terit,
Et suspicaci semper obtutu cavet. 445
- Zeno Quid suspicatur?
- Adr. machinas, technas, dolos.
- Zeno In falsa turpe labitur; potius sibi
Hyllus cavere cogitur ab aulae dolis
Hyllo invidentis. carpitur semper fremens
Hoc aula vitio; principis si quem favor
Blande intuetur, publicae ut fraudis fabrum
Torvo intuetur lumine atque aulae scelus. 450
- Adr. An aula tota fallitur?
- Zeno mentem tenes
Totius aulae? multa fucato illinit
Colore livor, plurima in peius trahit
Linguae libido; multa deblaterat mera
Fandi voluptas, verane an falsa inscia.
Terretur umbris aula larvarum ferax. 455
- Adr. Vmbras ab Hyllo pavida cur solum trahit?
- Zeno Vmbrae sequuntur altius semper caput.
Adr. Hylline solum sustulit virtus caput? 460

Zeno	Sustollit alios forsitan et Hyllum magis.	
Adr.	Auguste, palpat Hyllus.	
Zeno	haud palpat fides.	
Adr.	Palpat dolose.	
Zeno	dissonant fraus et fides.	
Adr.	Speciosa semper ora mentitur dolus.	465
Zeno	Speciosa semper invidus vertit probro.	
Adr.	Nil me invidenter Caesaris reddit favor.	
Zeno	Nil te invidenter, plurimum ast aulam reor.	
	Hic Hyllus, aula quem sibi horrescit, sibi	
	Formidat aulam gravius et quaerit procul	
	Exilia ab aula. vix ab incaepita fuga	
	Hyllum retraxi nuper; ut sistat gradum,	
	Aegre coegi precibus, imperio, minis.	
	Appetitur Hyllus, crede, non alios petit.	
Adr.	Infusa in ima viscera hanc aulam fovet	475
	Animatque tua mens, Caesar; hinc solus potes	
	Attemperare congruas aulae vices.	

Scena septima

Zeno, Achatius

Ach.	Vrbs laeta plaudit Caesari et faustas agit Grates Tonanti; nomen et laudes sonat Zenonis amplum voce confusa forum.	480
	Iam milites in gaudia effusi, prope Insaniam tripudia bacchantes agunt Et Nestoris precantur Augusto dies, Quod inclytum virtute, consilio, fide Leontium praefeceris bello ducem.	485
Zeno	Plaudentis urbis omen amplector libens. Commune votum sospitat semper Polus.	
Ach.	Haec prima laus regnantis attollit caput, Si nempe virtus munia et honorum notas Dispertiat, non gratia et caecus favor.	490
	Praefulget in Leontio virtus, fides Et martis usus longior, recti ac pii Invictus ardor, prompta in adversis manus, Cauta in secundis. Zeno, tu solus potes Leontio praeire, sed cunctis praeit	
	Leontius, qui Caesaris dextram levet.	495

- | | | |
|------|--|-----|
| Zeno | Te digna verax loqueris et nostris, Pater,
Iucunda votis. gratius nullo fruor
Laudis tributo, quam quod unanimis gerit
Consensus orbis, quando selectos probat
Mecum ministros; iuncta sic membra et caput
Vitale robur publico aspirant bono. | 500 |
| Ach. | At quam libens Leontio urbs gestit duce,
Tam torva in Hyllum lumina obvertit, tua
Faede tumentem gratia; hunc aulae vocant
Labem, Charybdim, gurgitem, voraginem. | 505 |
| Zeno | Invidia false turgida haec iactat probra
Semper perosa, quidquid excellit supra
Vulgare specimen; Hyllus Augusto patet
Plusquam tot Argis livida infectis lue.

Mihi vivit Hyllus, non sibi et semper meo
Ex ore sensa, spiritum, vocem trahit.

O quam beatos aula numeraret dies,
Si quos foveret aulicos Hyllus pares! | 510 |

Actus tertius

Scena prima

Dolon, Hyllus

- Dol. Adhuc quid haeres? ambigis? tempus fugit, 515
Insiste caeptis, Hylle, dum Caesar calet.
- Hyl. Incertus animi pendeo, an Phaedrus ferat
Has literas Leontio, an nostra quasi
Praeoccupatas arte Zenoni offeram.
- Dol. Si tute defers Caesari, tricas subis; 520
Faciemque turpem praeferet per te dolo
Papyrus intercapta. quin audax nimis
Posset videri facinus, augusta manu
Scriptam abstulisse paginam; semper subest
Suspicio, cum quid insolens fraudes gerunt.
- Hyl. At si ferat Leontio has Phaedrus notas,
Quae vis dolusve ex unguibus tandem extrahet?
- Dol. Zenonis ardor impotens; quod si neget 525
Leontius, iam fraude se nectit sua,
Speciemque veri capiet occlusum scelus.
At non ab istis hauriat Caesar notis
Plenum venenum, semper hinc aliquid doli
Olere poterit; efficax virus bibat
- E pagina, qua paribus inscripta notis
Leontius responsa ad Augustum dabit. 530
Vxoris illhinc scelera reflexo quasi
Ictu remissa fortius Zeno hauriet,
Nec umbra nec suspicio se miscet dolo.
- Hyl. Subis medullas fraudis; intrepida fide 535
Creditur amicis crimen expressum notis.
Has ergo Phaedro literas affer citus,
Leontio quas nomine Augustae ferat.
Adibo et ipse Caesarem.
- Dol. siste. hic adest
Caesar; choraeam Caesari et plausum dabit
Novi ducis selectior ephebum cohors. 540

Scena secunda

Legatus Aegypti, Zeno

- | | | |
|------|---|-----|
| Leg. | Aegyptus ad te supplices tendens manus,
Caesar, ministrum poscit ad fasces novum
Zenone dignum, mente qui plenus tua
Pater Canopum foveat et Praeses regat. | |
| Zeno | At quem Canopus maxime ex Avia petit? | 550 |
| Leg. | Hyllum petit prae caeteris: Hyllus tuas
Edoctus artes paene te secum geret.
Augusta et Hyllum comprobat; laudat viri
Consilia, vastum pectus et fortē manum. | |
| Zeno | Regat puellas uxor, haud populos regat. | 555 |

Scena tertia

Zeno, Hyllus

- | | | |
|------|--|-----|
| Zeno | Adeste, flores puberum et martis vigor:
Spectare vinctos barbito saltus iuvat
Novumque fausto prosequi auspicio ducem. | |
| | <i>fit choraea.</i> | |
| | <i>abit chorus.</i> | |
| Zeno | Generosa virtus, indolis et ardor placet. | |
| Hyl. | Tuam hic remotis arbitris aurem peto | 560 |
| | Ad parva, Caesar; parce, si est audax amor. | |
| Zeno | Absistite. huc accede, quid praefers novi? | |
| Hyl. | Heu, Caesar! horror abstruit voci viam.
Heu, Caesar! heu, quae cogor infanda eloqui! | |
| | Cur hos in usus lumina et fauces meas | 565 |
| | Servas, Olympi rector? ah, cur non prius
Tentum trisulca memet absumis face? | |
| Zeno | Exprome, quidquid horridi pectus quatit. | |
| Hyl. | Meam dolose digeri cladem ratus | |
| | Tentare latebras conor Augustae in sinu, | 570 |
| | Olethria laxat claustra: quas Leontio
Ariadna signis literas scribit novis, | |

	Exscribit atque hac pagina expressas refert; Legi, sed - heu me perditum! - contabui.	
Zeno	Tuamne caedem fraude condicta struunt?	575
Hyl.	Vtinam meam nefandus in caedem furor Saeviret! infra sceleris humani modum Delinqueret perfidia, sed alium sitit Scelus crux. lingua detrectat loqui. Heu! tute, Caesar, consule infames notas.	580
Zeno	<i>legit epistolam:</i> 'Mea lux Leonti, cordis hic nostri cape Aperta sensa; scripsit haec ardens amor. Sum, Zeno, tua nox perfida.'	
Hyl.	et quid tetrius.	
Zeno	'Audere praestat: marcer imperii vigor; Dant iura vis, libido, cupiditas, favor. Augusta Zeno sceptrum gestator movet, Non rector orbis; Hyllus imperium regit.'	585
Hyl.	Heu Cerberi latrantis horrendos sonos!	
Zeno	'Vix ipsa nudum nomen Augustae gero, Sed re superbo cogor imperio premi Dominantis Hylli famula, regnantum probrum; Dominantis Orci famula, Zenonis probrum. Si nostra, si te publica impellit salus, Vires ad ausum nobile et temet cie. Hanc ipse tabem tolle: Zenonis crux A te profusus abluat faedam luem.'	590
Hyl.	Horresco; cor gelascit, et virtus labat.	
Zeno	'Tu dignus aulam Caesar et solium occupa, Te noster ambit coniugem augustus torus.' Abominanda, perfida, immanis fera, Haec volvere animus, scribere haec ausa est manus? 'Tempus locumque caedis et fraudis modum Signabo quam strox certius; vastum interim Assume pectus regia maius. vale.'	600
	Nupsi Megaerae, Gorgoni, Arpyae Stygis, Cum tibi, Ariadna, nupsi; Avernalem facem Nostris Erymnys pronuba hymenaeis tulit. Haec Zeno de te meruit! huc tandem flagrans Evasit aestus, ut meum sceptrum et torum Pretio crux impio vendas mei?	605
	Sed cur querelas perdimus? ferrum, faces, Venena poscit uxor, ut mutet torum, Sed in feretrum nupta Tartareo duci.	610
Hyl.	Siste, Imperator: insolens, atrox nefas Nondum patescit; forsitan Olethriae dolus Mentitur hoc exemplar. Ariadnae prius	615

	Spectare par est paginam, signum, notas; Res agitur extra fraudis humanae vias. Caute et coacte, paene violenter fides Vix est habenda crimi; noctis vapor	620
Zeno	Sistamus. at praesagit hoc pectus nefas. Sistatur hic Leontius, promat dolos.	
Hyl.	Dolos vocatus occulet.	
Zeno	per vim extraham.	
Hyl.	Et saepe vis eluditur.	
Zeno	tortus cadet.	625
Hyl.	At crimen eo cadente se claudet magis.	
Zeno	Quid ergo agendum?	
Hyl.	lenta rem prodet mora: Mox execrandis perfidae Ariadnae notis Leontius responsa per Phaedrum dabit.	
	Responsa Phaedri ex unguibus furtim cape;	630
	Leontii inde sensa et uxoris simul Expressa signis certus in lucem trahe, Iisdem binas cassibus capta feras.	
Zeno	Mentis sagacis providum ductum sequor.	

Scena quarta

Phaedrus, Leontius, Dioscorus

Phae.	Hanc tibi Ariadna porrigi per me iubet Rite obseratam paginam Augustae nota. <i>interpretetur aenigma.</i>	635
Leo.	Aenigma signat paginam; sed quid sonet? Interpres haec docebit.	
Dio.	interea refer, Quid Hyllus et quid Zeno praetendant novi. Errant per ora nubila? an sudum micat?	
Phae.	Nubes oberrant nec procul nimbos notant. Sed astra in Hyllum torqueant nimbos truces. <i>abit Phaedrus.</i>	640
Dio.	Sed cur, Leonti, contrahis sontem? tremis? Pallescis? haeres? paene languescens stupes? Halantne pestem literae aut Nessi malum?	645

- Leo. Atrociora fulminant; heu, me pudet
 Legisse carmen. faemina est quoddam chaos
 Scelus omne miscens, astra confundens Styge.
 Dio. Age, impudentis paginae carmen refer.
 Aures amicas consultit adurgens malum.

650

Scena quinta

<Leontius, Dioscorus, Achatius>

Superveniet Achatius.

- Dio. Sed tempori huc Achatius gressum movet.
 Leo. Huc te benignum compulit Coelum, Pater:
 Inopina me procella transversum rapit,
 Me paene vortex sorbet.
- Ach. haec dextra, hic crux,
 Quocunque poscat usus, accurrent tibi;
 Sortis flagellum comprobat amicam fidem. 655
- Leo. Supplex Patronum veneror et dextram oscular.
 Per has latenti aenigmate offusas notas
 A me nefanda, horrenda, scelerata, impia
 Augusta poscit, nempe ut Augusto necem
 Faedus lanista moliar, et sceptrum mihi
 Et coniugalem - proh pudor - spondet torum,
 Vt impiatum syrma Zenonis traham;
 Preces ad hoc profundit, obstringit fidem
 Et me lacescit, stimulat et praeceps rapit. 660
- Ach. Augusta, flos pudoris et laus et decor
 Muliebris una nominis tanto ruit
 Repente lapsu?
- Dio. mulier est quiddam leve,
 Instabile, varium, mobile, haud constans sibi.
 Leo. Quo nunc revolvar? fluctuo, et turbo minax,
 Quocunque vertor, in meum surgit caput. 670
- Ach. Quid, si neges responsa sceleratis notis?
 Leo. In odia spretus solvit vecors amor.
 Dio. Quid, si malignas Caesari prodas notas?
 Leo. Amantis et faventis, heu, prodam fidem!
 Ach. Qui proditorem prodit, haud prodit fidem.
 Leo. Prodam, mihi dum sceptrum, dum tradit torum?
 Ach. Zenonis eadem sceptrum, Zenonis torum.

665

675

Leo.	Sit perditus amor, est amor; laedi est nefas.	
Dio.	Quid? te licet silente, prodibit scelus.	680
Leo.	Silente me, non proditore, prodeat.	
Ach.	Te proditorem Caesari damnas silens.	
Leo.	Quidnam silens nocebo? quod sileas, noces.	
Leo.	Non patitur animus prodere Augustae scelus.	
Ach.	Prodetur, et te Zeno proh quantum premet!	685
Leo.	Aliunde si prodatur, innocuus premar.	
Dio.	Qui cum rebelli rem tegit, noxae favet.	
Leo.	Avernus in me Dite diffracto ruat, Tacebo, crimen cordis occludam sinu; Et Zeno me discerpat, excruciet, cremet.	
Dio.	Haec si libido pertinax mentem tenet, Rescribe, sed quod deceat intactam fidem. Zenonis animos, studia, consilia et manum Addicta semper coniugi ad Coelum evehe. In te tuique nominis pronam decus	690
	Attolle dextram; placidus Augustae truces	
	Leni furores, muneri haud tanto parem	
	Temet fatere, supplices grates age	
	Augustae amori. temere te, maius tua	
	Virtute facinus posse moliri, nega.	695
Ach.	Si tantus horror comprimit vocem tibi, Ne Caesari rem deferas, Dioscorum Laudo monentem. digna virtutis manu Responsa Dominae redde; pietatem, fidem, Obsequia, cultum Caesaris spirent notae.	700
	Repelle dona, sed simul supplex pete	
	Veniam repulsae, spreta ne peius furat	
	Augusta; vulnus semper infligit grave	
	Doni repulsa. te reluctanti fide	
	Monstra coactum; scribe, quae candens fides	710
	Rescriberet. quin Caesari visu puta	
	Clare intuendum, quidquid his scribes notis.	
Leo.	Parebo monitis. interim Coelum, Pater, Sancte fatiga precibus, ut menti iubar Divino ab ore fundat et pectus regat.	715

Scena sexta

Dolon, Hyllus

- | | | |
|------|--|-----|
| Dol. | Olethria nostros arte praevertit dolos;
Novi recudit aliquid, ut structae necis
Zenonis animo fortius inurat fidem.
Nam turri ab alta flammeas sribet notas
Aenigmatis, quod nempe iam Caesar tenet,
Has fraude simulans porrigi Augustae manu,
Arcana quo Leontium quamvis procul
Tuto alloquatur luce facundae facis. | 720 |
| Hyl. | Miror dolosae faeminae pectus sagax. | |
| Dol. | Has tu coruscas Caesari monstra notas;
Pestem loquentur, unde Zenonis furor
Exasperetur acrius. princeps adest. | 725 |

Scena septima

Zeno, Adrastus, *et postea* Phaedrus

- | | | |
|------|--|-----|
| Zeno | Adesse Phaedrum, ductor, actutum iube.
Quod nunc, Adraste, regiam versat scelus?
Est Hyllus an Leontius, caedem meam
In quo reponit perfidae uxoris favor?
Nemo innocentia credit infandum nefas;
Nec spes nocendi sistit, ubi perstat fides. | 730 |
| Adr. | Adulterinam suspicor adhuc paginam. | |
| Zeno | Adulterae ipse paginam veram reor. | 735 |
| Adr. | Haec uxor in te, Zeno? si spectem, negem
Spectasse facinus; et meos visus Stygis
Vapore pressos fascinum credam pati. | |
| Zeno | Quod cantat haec papyrus, est Orci vapor?
Est haec in Orco scripta? an uxoris refert
Sensus, medullas, viscera et, quidquid cupid? | 740 |
| Adr. | Et forsitan Orci paginam scripsit nigror,
Aut fraud et ars Olethriae; hic nulla est fides:
Non annulum, non tueor Augustae manum. | |
| Zeno | Quod non tuetur visus, heu, verax nimis
Praesaga mens praeveritur. par est tamen, | 745 |

	Vt animus anceps titubet et nutet fides, Donec latentis virus erumpat doli.	
Adr.	At ecce Phaedrum.	
Zeno	redde veraces, puer, Voces petenti Caesari.	
Phae.	hoc Phaedrum decet.	750
Zeno	Num literas Leontio per te dedit Ariadna nuper?	
Phae.	assero. Olethriae manu Mihi traditas et rite signatas dedi.	
Zeno	Praesagiis initia respondent meis; Vtinam reclament exitus! at tu imprime Haec iussa menti, Phaedre: quam reddet tibi Leontius mox paginam, Augustae ut feras, Ad me citato praepes huc defer gradu. Haec iussa cordi conde et elinguis sile. Mutire si quid audeas, paenam lues.	755
Phae.	Tua iussa, Caesar, obstruent voci viam; Iniuncta mutus exequar fidei memor.	760

Scena octava

<Zeno, Adrastus, Hyllus>

	<i>Hyllus supervenit.</i>	
Hyl.	Resiste, Caesar. testis oculatus tua Spectabis hic dedecora: mox e culmine Turris flagrantes uxor attollet notas, Quibus suam Leontio mentem explicet.	765
Zeno	Flamma loquaci scribet absenti notas?	
Hyl.	Condicta nempe symbola ardenti face Formabit alta e turre; sed visus, age, Sustolle, Caesar: famma splendescit loquax.	770
	<i>scribitur flammis hic versus:</i>	
Zeno	‘Rescribe, ferrum potius an virus probas?’ Est certa caedes; quaeritur solum modus, Quo Zeno pereat. virus an ferrum probas? Vtrumque utriusque, virus et ferrum inferam Et coniugi et Leontio. haec tandem vides, Haec monstra, Zeno? tam novum scripti scelus Addiscis ad tua funera? elementis tua	775

Patranda caedes scribitur. non sunt satis
Chartae; fit aer pagina ad nostram necem,
Fiunt et atramenta nocturnae faces.
Sed mitte questus. vindicem dextram para;
Leontii responsa mox pandent scelus.

780

Actus quartus

Scena prima

Phaedrus, Zeno, Adrastus, Hyllus

- Phae. Ad tua revolvor iussa; munitam sui
 Hanc syngrapham Leontius signi nota
 Dat nuper, ut latenter Augustae feram. 785
Phaedrus abit.
- Zeno Laudo obsequentis impigram Phaedri fidem,
 Arcana cerno signa.
- Hyl. concordant notis,
 Quas noster index explicat. Coelum favet.
- Adr. Hic nullus error, nullus hic fucus subest;
 Sed clara certum veritas spargit iubar.
 Hic mens iacet Leontii, Augustae hic iacent
 Consilia amico credita; et puram tamen
 Adhuc malignae labis Augustam reor.
 Praecelsa virtus vertice in summo sita
 Non derepente tota, paulatim labat. 790
- Hyl. Speciosa doctus disputans, nugas agis.
 Ariadna aperto in crimine deprehensa hic patet.
- Zeno Ad haec reservas pupulas sortis furor,
 Mea opprobria, mea dedecora, sordes meas
 Vt ipse teste hoc sole pudibundus legam?
 Sed quo pudore squalleas, Aether, solum.
 Et Styx et astra, audite Zenonis probra;
 Tuaeque praeco infamiae Zeno horreas. 800
legit epistolam:
- ‘Portenta amoris veneror et pronus paris
 Flammae tributum defero, sceptri ac tori
 Augusta dona supplici obsequio colam.
 Sed animus impar munus haud tantum capit;
 Dominaeque famulus serviam, haud Caesar regam.’
 Audin’, Adraste, munera insontis nurus?
 Sceptrum fides, torumque promittit pudor. 805
- Adr. Taedet pudetque me mei; horresco, fremo.
- Zeno Audi, magis pudebit, horresces magis:
 ‘Zenonis in me prodiga semper manu
 Se flexit animus, semper ad nutus tuos
 Pronus pependit. omen avertat Polus, 810

	Zenonis ut Leontius laedat caput.'	
	Heu, fracta rerum iura! me coniux necat,	
	Famulus tuetur. sola num coniux? amor,	
	Quies, voluptas, cura Zenonis fuit	
	Ariadna, mecum vel supra me ius dedit;	820
	Cuicunque libuit, decora, fortunas, opes	
	Large profundit. si potes, monstra semel	
	Me, me obsequentem frigide votis tuis.	
	Et nunc meo cruroe fumantem torum	
	Tractare gestis excetra? et nostrum supra	825
	Bustum paras Leontio ad sceptrum viam?	
Hyl.	Revelle mundi cardines, rector Poli,	
	Confunde rerum iura, naturam abrue;	
	Me dissipia, me absume. quid vitam traho	
	Ad tam nefanda generis humani probra?	830
Adr.	Inanis umbra, stipes an potius stupor?	
	Hic asto, larvas inter et somnos vigil;	
	Muliebre tandem disce vipereum genus.	
	Virtutis expers fucus et fallax color	
	Se venditant in faemina et falsum micant.	835
Zeno	Ingrata coniux! tanta per venas flagrant	
	Zenonis odia, dum tui tanto calet	
	Amoris aestu? mene tranfossum cupis,	
	Leontius quo regnet! o fallax amor,	
	O spes dolosa, perfidi o risus lepor,	840
	Sub coniugali nectare hanc pestem paras!	
	Abiuro, quidquid coniugum stringit fidem.	
	Detestor omne fas maritalis tori,	
	Migro in Cerasten; exuo, abiicio virum.	
	Sugam cruento coniugis, vitam hauriam,	845
	Cor impudicum dente Cerbereo teram;	
	Saturabo amorem proditum digna dape.	
Hyl.	Muliebre nomen execror: quidquid pium,	
	Sanctum, Tonante exaestuans, Coelo tumens	
	Muliebris efflat sanctitas, sordes, dolos,	850
	Larvas nocentes Tartaro emissas reor.	
Adr.	Iam paene caedis fateor Augustam ream	
	Et vindicem devoveo, si Caesar iubet,	
	Iustos ad ictus dexteram. sed quid nocet	
	Prius Ariadnae literas caeco e sinu	855
	Leontii extorsisse, quo certum scelus	
	Adhuc patescat clarius solis face?	
	Quo tardior furit ultio, eo gravius furit.	
Zeno	Moram recusat causa, sed demus moram.	

Scena secunda

Hyllus, Dolon

Hyl.	In lenta languet odia Zenonis tepor; Non aestuat, non fervide ardescit furor, Nondum cruoris rabida fervescit sitis.	860
Dol.	Fraus haec tonat, non fulminat. noster labor It in fragorem totus, haud ictu ferit.	
Hyl.	Moras Adrastus nexuit.	
Dol.	et Hyllus moras	865
	Diffringat omnes, subdat Augusto faces.	
Hyl.	Res est pericli plena: decentant adhuc Amor furorque in coniugem; si quid nimis Zenonis iras ventilo, cavebit magis.	
	Parce et per astum Caesaris nutans dolor	870
	Est refricandus, sponte ut in rabiem ruat;	
	Si durius pungatur, in calcar furit.	
Dol.	Petatur ergo Zeno, sed, qua te decet, Vtaris arte; sortis observa vices Et aptiores tempori formas cape.	875

Scena tertia

Leontius, Dioscorus, Phaedrus

Leo.	Caligo, nubes, noctis infernae vapor Arcana mentis occupant. Hylli dolus Mihi subolet sub pagina Augustae latens.	
Dio.	In literarum viscera Augustae annulo Signata quodnam poterat intrudi scelus?	880
Leo.	Nil est dolis impervium, clausum nihil. Quaerenda lux est: alloqui Augustam iuvat.	
Dio.	Adire praestat. saepe inextricabilis Figmenta fraudis dissipat vocis sonus.	
Leo.	Phaedrum ciamus.	
Dio.	hunc ego accersam celer.	885
Leo.	Veri, Patrone, corda qui solus subis, Affunde lucem, discute umbrarum chaos, Ne mole fraudis opprimi insontem sinas.	

venit Phaedrus.

- Phae. Paucisne, Phaedre, liceat Augustam alloqui? 890
 Severus aditum Zeno ad Augustam vetat.
 Leo. Quae causa? nostin'?
 Phae. causa me prorsus latet.
 Leo. Meamne tenuit paginam Augustae manus?
 Dio. Quis tunc in illa visus est oris tenor?
 Leo. Taces? profare, Domina quo vultu stetit?
 Phae. Quo tua tuetur.
 Dio. heu, quid insolito labat 895
 Tua vox tremore?
 Leo. variat in vultu color;
 Volensque fari, lingua retrorsum fugit.
 Phae. Ignota vultin', eloquar?
 Dio. numquid dabas
 Caecus papyrum?
 Phae. capite demisso dedi.
 Dominam vereri frontis obsequio decet. 900
 Dio. Deludis, istic insolens quiddam subest.
 Leo. Rem pande, Phaedre; quidquid expromes, sinu
 Condemus ambo, sanctaque occludet fides.
 Phae. Quid ipse promam nescius?
 Leo. non est tuum
 Caelare amicos, tegere quod vultu nequis. 905
 Phae. In me secures expedis cogens loqui.
 Leo. In nos prius vibrentur; en, sancte fidem
 Vovemus. adsit arbiter veri Deus:
 Quidquid loqueris, corde tumulatum geram.
 Phae. Fabor: rapaci Zeno violentus manu 910
 Excerpsit a me literas ira tumens,
 Quas tute Dominae scripseras. ferrum, faces
 Mihi minitatur efferus, si quid loquar.
 Gressum retorsi stupidus, elinguis, tremens.
 Nunc vestro, amici, ab ore mea pendet salus.
 Leo. Devota Coelo comprimit linguam fides. 915
 Abi tui securus et cautus sile.
abit Phaedrus.
 Heu, si latentes Caesar arcanis notis
 Sensus malignos eruat! Numen, veta.

Scena quarta

<Leontius, Dioscorus, Achatius>

	<i>Supervenit Achatius.</i>	
Ach.	Quam spirat auram regia? et quales agit Augusta motus?	920
Leo.	ruimus in clades, Pater. Quas ipse Phaedro literas nuper dedi Dominae afferendas, Zeno praereptas tenet.	
Ach.	Heu, quam timebam, rapitur ad syrtim iatis!	
Dio.	At insolens aenigma Zenonem latet.	925
Ach.	Olethria explicabit, aut per vim exprimet Ex te, Leonti, paginae veros sonos. Regum potestas nititur in umbras, subit Violenta latebras, patitur occlusum nihil.	
Leo.	Inter pericla distrahor; quidquid sequor, Sequor procellas: taceo? me prodo reum. Loquor? Ariadnam damno. si capto fugam, Fuga ipsa crimen arguit. semper reus Damnabor, insons nec mea noxa nocens.	930
Ach.	Cum multiplex nos obsidet et angit malum, Minus sequamur. Caesarem supplex adi Veniamque posce, sero quod pandas nefas.	935
Leo.	Egone Ariadnae perfidus pandam scelus!	
Ach.	Quid perfidus? sat Caesari coniux patet.	
Dio.	Iam te silente literae crimen canunt.	940
Leo.	At me loquente pondus accedet novum.	
Ach.	Tantone sceleri ponderis quidquam dabis?	
Leo.	Meo inquinari sibili Augustam pudet.	
Dio.	Sat illa sordet; si taces, sordes trahis.	
Ach.	Si loqueris, expers sordis Augusto micas.	945
Leo.	Reposcet a me Caesar uxoris notas.	
Ach.	Solum reposcet? rapiet et per vim abstrahet.	
Dio.	Et admovebit, si neges, ferrum, faces.	
Leo.	Me perditum! quo evasit Augustae favor!	
Ach.	Moras, Leonti, rumpe; Zenonem pete Vltro, priusquam te furens vinclis trahat.	950
	Offer Ariadnae literas; quidquid subest Clausum sub illis, prome. sic extra scelus Se tua probabit Caesari atque aulae fides.	
Dio.	Huc Zeno tendit. perage, quod tempus monet.	955

Scena quinta

Zeno, Leontius, Adrastus

- Zeno Ades, Leonti; triste quid vultu geris?
- Leo. Horrenda, misera, turpia et, quae me pudet
Proferre in auras.
- Zeno heu, nimis longas moras
Tuus iste, amice, protrahit mutus pudor.
- Leo. Silentii me fateor et damno reum. 960
Heu, sceleris horror surripit menti diem,
Cupidamque fari praepedit linguam timor.
Sed iam pudorem fregi et excussi metum:
En literas, quas signat Augustae annulus;
Novis notarum ductibus claudunt scelus,
Quod tibi in apertam, si iubes, lucem traham.
- Zeno Tam sero pestem revomis? haec amor, haec favor,
Haec Zeno de Leontio? hanc tabem diu
Sinu recondis, concoquis, versas, foves?
Responsa paribus perfidae reddis notis 970
Zenone prorsus inscio? quamvis levem
Fraudis susurrum principi defert fides.
Tu tanta mutus crimina Augusto tegis?
- Leo. Damna moras, Auguste; ne damna fidem.
Quid mea recondant viscera, Augustae data
Responsa promant: vivido ardenter tui
Amore flamمام senties. faedas preces,
Nefanda dona, fortis insultum spei
Quanam repulsa respui, quanam fuga?
Num flexit animum purpurae et sceptri decor? 980
An aestuantis blandior amoris faces
Excepi? et acres impetus lentus tuli?
Non obstiti? non horrui? et quanta potest
Ardere flamma, non mea exarsit fides?
- Zeno Arsisset illa Caesar expansis dolis. 985
Leo. Nondum probatum crimen in lucem darem?
Zeno Scripto probatum.
- Leo. forte mentitis notis.
- Zeno Aenigmata haec arcana sat crimen probant.
- Leo. Si res agatur summa, cunctando proba.
- Zeno Si res agatur, summa properando refer. 990
Leo. Linguam revinxit angor, et terror pedem.
Zeno Stimulasse utrumque nostra debuerat salus.
Leo. Cur, si periclo proximum urgebat nihil?

Zeno	Semper periclo est proximum uxoris scelus.	
Leo.	Deferre praeceps nolui uxorem viro.	995
Zeno	Caelare amantis penitus optabas dolos. Te criminis contagio faedat satis, Quod criminis sis particeps. aptus malo Malus putatur. nemo sceleratam probo Mentem relaxat. te sibi ascivit parem Fraudis ministrum perfida; et quamvis, vafer, Verbo repulsam dederis, interno tamen Calore nostrum tectus exitium coquis. Abscede, versipellis; et vecors caput Involve latebris, regiae lucem fuge	1000
	Meosque visus, coluber, aeternum cave.	1005
Leo.	Qui corda lustrat, adsit insonti Deus.	
Zeno	Hunc ergo, lictor, amove insontem nimis. Quid nunc, Adraste? clarius Titan flagrat. An coniugis molimen? id clamant notae Flammis loquentes, symbola id certo canunt, Leontius fatetur, est anceps nihil.	1010
Adr.	Quamvis renitar, cogor Augustam tamen Damnare fraudis; nam quis errorem color Fucare possit? crimen obtutus ferit; Et crimen ipsa paene contrectat manus. Quod recta monstrat ratio, quis sanus neget?	1015
Zeno	Hanc ergo tabem, quae latens virus vomit, Delere praestat; quidquid in aperto nocet, Vitatur; at quod viscera arrodit, necat. Dolose agentem fraude captemus pari. Vxor latenter construit caedem viro;	1020
	Et vir latenter peragat uxoris necem. Te nunc, Adraste, Caesaris adorat salus Tuamque nostros impigram ad nutus fidem;	1025
	Si quid mea unquam gratia Adrasti manus Est ausa, nunc ad grandius promptas opus Vires fidelis exerat et audax ruat.	
Adr.	Vires, manum vovemus et, quidquid sumus.	
Zeno	Excipio votum; sedulam amplector fidem. Hac nocte, gravius quando mortales premant Somni vapores, tacitus et leni gradu Adi cubile perfidae Ariadnae et necem Infer iacenti; iaceat aeternos trahens	1030
	Confessa somnos, inde Zenonis necem Leontio demandet et scriptam suo Cruore ab ima syngrapham mittat Styge.	1035

- Adr. At quis recludet intimum ad thalamum viam
Custode saeptum plurimo? si vim afferam,
Ad arma res prorumpet, et solus premar. 1040
- Zeno Non vis nec arma proderunt: solum mihi
Secretus aditus Cochleae augustae datur
Ab horto in aedes coniugis; clavem, fores
Quae laxet usus ad meos, solus gero.
Hanc sume, tacitam pandet ad facinus viam. 1045
Ne plura texam, tua reluctatur fides,
Cui mea nosse vota fuit eadem exequi.
Hoc si peractum dederis, obstringes tibi
Zenonis animum, gratiam, sensus, fidem.
- Adr. Tua me cupido firmat ac fortis manum
Virtute obarmat; Caesaris iustus dolor
Fidum ministrum vindici afflatu reget. 1050

Scena sexta

Phaedrus, Adrastus

- Phae. Adraste, Phaedrus periit: extremum vale
Tibi et Patrono defero et plusquam Patri.
- Adr. Quis te furor pervasit?
- Phae. Augustae furor, 1055
Cum senserit Leontii nuper data
Responsa Phaedro Caesari, haud sibi reddita.
- Adr. Nihil Ariadnam, Phaedre; Zenonem time.
- Phae. Vtrimeque metuo, mulier at terret magis.
- Adr. Nil haec nocebit, spondeo certam fidem. 1060
- Phae. Novi, ipse novi, laesa quas iras ciat!
- Adr. Meamne reris, Phaedre, fallacem fidem?
- Phae. Sanctam, innocentem veneror, ac falli potest.
Et fallitur: mors una me solvet metu.
Vixi et peregi, quos dedit fatum dies: 1065
Tria lustra vidi; Phaedre, vixisti satis.
Quo fugere Dominam restat? effugias tamen;
Spumans veneno bacchus hanc ornet fugam.
- Adr. Si te paterno, Phaedre, complexus sinu
Patris perempti semper explevi vicem,
Has inter ulnas, quidquid est Phaedri, loca. 1070
Sed quo timorem deleas, audi ac tace:
Hac nocte somnos inter ac tenebras iacens

- Ariadna paenas Caesari optatas dabit
Perfossa telis. odia morientis times? 1075
Tibi vive felix, vive Zenoni et mihi;
Concede mecum, lumina Augustae fuge.
- Phae. In te Patroni dexteram et Patris simul
Veneror amores, paene redivivus tuo,
Adraste, dono redditam vitam traho. 1080

Actus quintus

Scena prima

Adrastus, Zeno

- Adr. Tua iussa, Caesar, exitum votis parem
Tenuere; nostris fossa vulneribus iacet
Ariadna, fumat sanguine undanti torus.
- Zeno Bene est: cruoris languit nostri sitis.
- Adr. Nulli patescit facinus, et somno obruta
Augusta mortem sensit ac ferrum simul;
Nam cuncta caecus texerat noctis nigor.
- Zeno Adraste, amicam tende Zenoni manum.
Stringo perenne foedus: imperii reget
Haec dextra mecum lora; si leges dabit
Zeno, secundus Caesari Adrastus dabit.
- Adr. Servire iusso Caesaris meta est mei
Suprema voti; dum iubes, sceptrum gero.
- Zeno I nunc Erymnys regiae, i sponde toros;
Augusta vende syrmata cruoris mei
Emenda pretio, Caesares mundo crea
Et sub profundam mitte Zenonem Styga.
Iaces, iaces confossa; desponsus torus
Apte feretri munus exercet tui.
- Tui cruoris muricem plene hauriant
Iam destinata lintea ad taedas novas.
Nunc, Zeno, regnas, scepta nunc Caesar quatis.
Iam vultur inhians vertici in casses cadit.
- Re nunc peracta, fare, quo vergat magis
Tua mens, Adraste, coniugi inflictae necis
Caelare causam, quando iam cunctos latet,
An crimen una prodere et iustum necem?
- Adr. Luci tenebras praefero. si res fluat
Per ora vulgi, plurimi Augustam premi
Livoris arte scelere conflicto frement.
- Haec est libido gentium, quidquid gerat
Princeps, malignam semper in partem trahunt;
Iam quisque Minos principis iudex sedet,
Vestigat acta, discutit cordis fibras
- Et, quando latitat causa, peiorem probat.
Casu peremptam rumor Augustam canat
Sparsus per urbem; capsula inclusam dabis
Patrum sepulchro, nobili exceptam pyra.

Zeno Haec cauta profert ratio. quae princeps gerit
 In luce populi, serviunt famae tubis;
 Haec publici rumoris ut servus gerit,
 Occulta vere ut dominus et iuris sui.
 Me pulla vestis cingat, et cultu pari
 Pullata funus regia et luctus agat.

1120

Scena secunda

Hyllus, Dolon, Nuntius

Hyl.	Zeno efferatus coniugis caedem parat. At nostra tenui pendet e filo salus, Ex ore nempe faeminae; Olethriam penes Stat summa fraudis. si quod hinc murmur crepet, In nos relapsus aggeret clades dolus. Heu, quid mulieris lubricam vocem obstruat?	1125
Dol.	Quod praepedit, ne spiritum fauces trahant. Et vim loquendi Olethriae et nobis metum Satur veneno bacchus extinguet celer. Blandum paretur poculum mortem ferens.	1130
Nun.	Maerens amictus lugubres Caesar petit Subitumque carae coniugis fatum dolet.	1135
Hyl.	Augusta periit?	
Nun.	et repentina iacet	
	Oppressa letho. fluxit in mortem sopor. Iam nunc Adrastus regiae luctus parat. <i>abit Nuntius.</i>	
Dol.	Zenonis icta vulnere occulto reor Augusta cecidit. euge, victrici dolus Palma triumphet; tota iam nostris patet Calcanda plantis aula; iam, nolint velint Tellus et astra, iura regnantes damus.	1140
Hyl.	Regnemus; et Leontius ad Orcum ruat Raptamque secum gratiam Augustae vehat, Et aula nostro colla substernat iugo. At nunc, quod unum restat, extinctam comes Dominam sequatur famula; rumpamus moras, Mersam lyaeo protinus mortem bibat.	1145 1150

Scena tertia

Dioscorus, Leontius

- Dio. Reflecte ferrum, siste. quid properas mori
Adhuc inultus? Hyllus hoc poscit, latus
Olethriae hoc lacestit: in tales vibra
Telum Cerastas. nemo tam plene ac probe
Vlciscitur quam cupidus actutum mori; 1155
Qui cuncta iam desperat, est expers metus.
- Leo. Heu, Caesari cur literas amens dedi?
Cur in Ariadnam perfidus fregi fidem?
Cur suscitavi sibilo irarum faces?
Quas potius hic suppressimere debebat crux.
Ariadna vitae stamine abrupto iacet, 1160
Et tu, Leonti, perditam vitam trahis?
- Dio. Ah, siste demens; impos est nimium sui,
Quicunque inertem vilis instigat necem.
Nondum liquet, quo cluserit fato diem
Augusta; luctum Zeno praetendit gemens.
Quid, si veneno periit atque Hylli dolo? 1165
Quid, si maligna tabe? quot casus rotant
Vitae, latenti turbine, et mortis vices?
Cur ergo mortis prorsus ignotae reum
Te facile damnas? cur doles fluxam fidem?
Quid? ipse Zeno, quidquid Ariadnae notis 1170
Clausum latebat, nonne praesensit prius,
Quam te loquentem senserit? quod si mori
Tanta est voluptas, non veto; solum moram
Reposco ad ictum, certa lux donec micet.
- Leo. Vt lictor in me turpius ferrum vibret?
- Dio. Non opprimit, quem Caesar insolentem videt.
- Leo. Insonis nocensque principi irato est idem.
- Dio. Te, cum flagrabat pessime, haud laesit furor. 1180
- Leo. Servabat ad peiora.
- Dio. num vinclis ligat?
- Leo. Dissimulat ira.
- Dio. flamma constringi nequit.
- Leo. Vitamne profugus Caesare irato traham?
- Dio. Brevis hora rerum saepe permuat vices.
- Leo. Iam cum cadente concidi Augusta miser. 1185
- Dio. At nosce, cum cadente, quo fato cadas.
- Leo. Sat est cadentem nosse.

Dio.	quo certo cadas,	
	Non quo cadas inultus.	
Leo.	ulciscar meae	
	In me furorem sortis.	
Dio.	est misera ultio.	
	Hyllo reserua vulnus, hoc telum sacra	1190
	Visceribus Hylli; sanguine impuro calens	
	Dein tua retorque in viscera. o qualis fluet	
	In tua voluptas vulnera et mortis lepor!	
Leo.	Nolens reflector. ultio innectit moras.	

Scena quarta

Achatius, Zeno

Ach.	Quid iste, Caesar, luctus et tristis tenor	1195
	Cultus et oris? quis dolor pectus ferit?	
Zeno	Heu, quam repente, Praesul, heu, coniux obit?	
Ach.	Qua cessit illa tabe?	
Zeno	dum somnos trahit, Laetalis aliquis corda compressit vapor, Et me doloris paene consumpsit rigor.	1200
Ach.	Vapor malignus coniugem an ferrum opprimit?	
Zeno	Vis aliqua, opinor, tabidae invasit luis.	
Ach.	Ne conde telum, Zeno, ne dextram tege.	
Zeno	Quid telam moras? quid petis dextram, Pater?	
Ach.	Peracta memoro; quaero, quod caedem intulit.	1205
Zeno	Prophana Caesar quaerat, antistes sacra.	
Ach.	Sunt sacra iura coniugum, his pastor preeest.	
Zeno	Haec iura ne quis violet, Augustus cavet.	
Ach.	Nempe innocentem fodiat et fossam gemat.	
Zeno	Nempe instruentem fodiat Augusto necem.	1210
Ach.	Praecepis in Hylli retia, heu, Caesar, ruis.	
Zeno	Perfregit Hyllus retia uxoris vafrae.	
Ach.	Est prorsus insons uxor.	
Zeno	est prorsus nocens. Scriptae fatentur literae.	
Ach.	Olethriae manu.	
Zeno	Signavit uxor annulo.	
Ach.	Olethriae dolo.	1215
Zeno	Nil fido verbis; literae firmant fidem.	

- Ach. Se fraus aperiet. sit tamen coniux nocens,
 Lex nulla causa damnat indicta reos;
 An coniugem damnabit? et somno obrutam?
 Quis expiandis ultimam noxis negat
 Horam nocenti? criminum vindex Polus
 Tonat priusquam fulminet. Zeno, prius,
 Quam quid tonet vel fulguret, fulmen iacis? 1220

Scena quinta

<Achatius, Zeno, Nuntius>

Supervenit Nuntius.

- Nun. Vivit supremos spiritus aegre trahens
 Confossa ferro mulier augusto in toro.
 Te Caesarem, te Praesulem languens vocat. 1225
 Zen. Properemus ambo.
 Ach. Numen insonti fave.

Scena sexta

Dolon, Hyllus

- Dol. Periimus ambo; sola vix restat fuga.
 Hyl. Augusta num resurgit?
 Dol. heu, nunquam occidit.
 Hyl. Non occidit? cui funus Augustus parat? 1230
 Dol. Nobis parat suspendium.
 Hyl. avertat Polus.
 Dol. Olethria iacet saucia Ariadnae loco.
 Hyl. Heu, fraudulenta Tartara! Olethria occidit?
 Dol. Vtinam occidisset! fossa, laniata, obruta
 Cruore fuso vivit et nostros dolos
 Iam Caesari atque Achatio exanguis refert.
 Hyl. Quae fraus, quis Orcus vulnera Olethriae intulit?
 Dol. Suum ad cubile praescia instructae necis
 Augusta rerum nesciam Olethriam vocat. 1235

	In hanc Adrastus, grata cum serpit quies, Noctis per umbras Caesaris iussu irruens Teloque adortus fodit, Augustam ratus; At non satis peremit, heu stolidum pecus! Spirat, fatetur crimina et fraudes canit.	1240
Hyl.	Adeste furiae, ferte Tartaream facem; Fugamque nostram praebeat ad mundi plagam, Quam sol et astra nesciant. si quid iacet Trans orbis oras, ducite eo nostros pedes; Vel si quod extat, ducite ad priscum chaos.	1245
Dol.	Percipitet Aether, corruant Coeli faces, Rumpatur ira, quidquid in Coelo tonat. Glomerabo semper scelera, disquiram nefas Semper priore peius, aeternum geram Cum iure bellum; quidquid est sancti ac pii, Odiis, furore, rabie inexhausta obteram.	1250
	Praeibo furiis et colubrifera manu Vrgebo vitia; turpia, infanda, impia Ignota Averno crimina docebo Stygem.	1255
Hyl.	Haec reddit aula praemia!	
Do	haec merces datur Fraudum magistris!	
Hyl.	recidit in fabros dolus.	1260
Dol.	In explicatis aucupes haerent plagis.	
Hyl.	Accurre, Pluto.	
Dol.	pande furibundis viam.	

Scena septima

Dioscorus, Adrastus

Dio.	Adraste, mira cernimus: adhaesit suae Olethria fraudi; sed quis instructae sibi Caedis susurrus potuit Augustae illico Deferri ad aures, ut suum blande ad torum Olethriam pelliceret? aeternae colo Mentis pronaeam, quae movet rerum vices.	1265
Adr.	Modo ipse, Coeli non sine impulsu, necem Dominae inferendam detuli Phaedro; hic celer Furtim patrandam retulit Augustae necem. Fugae innocentis Numen hanc pandit viam Vnaque vindicta impium oppressit scelus.	1270

Scena octava

Achatius, Zeno, *<et postea>* Phaedrus

Ach.	Iuris repertor aequa tutatur Deus Et saepe in ipsum regerit auctorem scelus. Hylli et Dolonis arte contextos dolos Olethria iam retexit et sese ream Vltro fatetur sceleris et noxam dolet Veniamque poscens spiritum tandem expuit. At quod potentem Numinis monstrat manum, Praecisa guttur non prius poterat mori, Quam fassa fraudis ordinem in lucem daret.	1275
Zeno	Opem Tonantis veneror Augustae et mihi Patrocinantem; meque praecipitis nimis Damno furoris, damno proclivem fidem. Iam sese in Hyllum rabidus invertit furor. Dabis, cruentे carnifex, paenas, dabis. Nunc me innocentis pedibus uxor is iuvat Caput manusque subdere aspersas sua Iam paene caede; me vel absolvat pia Vel iusta damnet: arbitrae legem sequar.	1280
Ach.	Sero innocentem coniugem, Caesar, petis, Iam mentis impos illa proripuit fugam Sago virili cincta, quo traxit dolor.	1285
Zeno	Heu, quo profugit? cur vel invitam, Pater, Tua non retraxit dextra, non tenuit sinus?	1290
Ach.	Muliebris ardor impotens flecti ruit.	
Zeno	Me, me sequatur regia; Augustae fugam Venemur omnes. paefer, o Coelum, facem.	
Ach.	Resiste, Caesar; concito huc Phaedrus gradu Se fert, euntis fidus Augustae comes.	1300
Zeno	Effare, puber, quo latet coniux loco? Vivitne sospes?	
	<i>venit Phaedrus cum telo cruento.</i>	
Phae.	vixit et semper tua Ariadna vixit et tui semper memor.	
Zeno	Vixit? quid ergo? non adhuc vivit? refer.	1305
Phae.	Hoc ipsa telum mittit aspersum suo Cruore, nempe munus optatum tibi, Suique amoris pignus aeternum dicat. Hic mucro cordis subiit ardentis sinum Sensitque, quanta ferreat amoris face.	1310

	<i>Achatius accipit cultrum.</i>	
Zeno	Hic tibi Ariadnae referat exanguis fidem. Heu, mucro vitae penitus abscindit fibras? Viden', nefande Zeno, regnantum pudor, In quos malorum vortices, in quos feri Angoris aestus, quas et in syrtes tuam Tuus Ariadnam rapuit enormis furor? Amata coniux, potuit hoc amens caput De te vereri nomen aut umbram doli! Parum vereri fuerat: horrificum scelus Et credidi et damnavi et extremis dedi Paenis luendum; quodque in horrorem trahat Stygiae paludis monstra, inauditam, insciam, Mersam sopore super maritalem torum Ferro opprimendam coniugem insontem dedi. Si languide in mea sensa propensam semel Te noverim, si segnus amantem mei, Non tam scelestus videar; at quam fervide Tuus aetuavit ad meas flamas amor? Et potuit hos extinguere ardores furor? Quid, Zeno, terrae pondus et mundi scelus Odiumque Coeli vivis? absume hoc probrum, Hoc perde monstrum. porridge hoc ferrum, Pater, In haec adactum viscera furori litet Hac execranda victima; at purus crux Spirans amorem coniugis cordis feri Horret crux, sordidum attactum fugit.	1315
Ach.	Desiste, Caesar; forsitan nondum perit Augusta.	1320
Zeno	misera caede iam telum calet.	1325
Ach.	Quandoque caedis induit formas amor.	
Zeno	Quid, Phaedre, vivit uxor?	
Phae.	enarret Pater.	1330
Ach.	Vivit.	
Zeno	revixi. ludis, heu, miserum, Pater?	
Ach.	Vivit.	
Zeno	quid iste vana mentitur crux?	
Ach.	Mentitur arte, quo tui exploret dolor Arcana cordis; ardeat amoris rogo, An frigus intus fervet et caleat foris?	
	Est unus animi fidus interpres, dolor.	1335
Zeno	Si vivit uxor, redde; me reddes mihi.	
Ach.	Augusta, prodi.	
Zeno	remigrat in venas calor.	

Scena nona

<Achatius, Zeno, Phaedrus, Ariadna>

Supervenit Ariadna.

- | | | |
|------|--|------|
| Ar. | Dilecte Zeno, proditos Hylli dolo
Tuos amores paene redivivos cape.
Tua sum; virile tuus amor cinxit sagum,
Idem fugam coegit, insontis cruar
Ne te impiaret coniugis scelere et probro. | 1350 |
| Zeno | Vitae redonas uxor hoc anguis caput
Laqueo inserendum; munus hoc vitae tuum
Tibi reddo, plantis obtere ac telis fode.
<i>procumbit in genua Zeno.</i> | 1355 |
| Ar. | Assurge, Zeno; nulla te noxae lues
Faedat. tua Hylli fraudibus adhaesit fides,
Hinc ira vindex pepulit ad faedam necem.
Si peccat error, labis est insonis amor.
Errasse praestat: error hic plane innocens
Vitale nectar mortis e tabo refert,
Et flos amarus melleos fructus tulit.
Aestus amoris mutua ardentes face
Vterque nostrum sensit; ad flatus tuos | 1360 |
| | Quantum meus amor arsit et quantum meae
Ad facta caedis nomina exarsit tuus! | |
| Zeno | Bis immerentem retrahis ad vitam pia,
Et dum nefandum mitis ad monstrum redis,
Et dum benigna supplici parcis reo. | 1365 |
| Ar. | Infausta pelle nomina; in laetos amor,
Risus, voluptas, gaudia erumpant sonos.
Me rapuit Orcus, me tibi reddit Polus.
Paena in scelestam corruit, capta est sua
Fraus ipsa fraude, retia expandit sibi. | 1370 |
| Ach. | Ergo Tonanti, nostra qui certo movet
Consilia nutu providus, grates date. | 1375 |

Finis

Hinweise zur Textgestaltung

Zugrunde liegt die Erstausgabe von 1662. Die orthographischen Eigenheiten des Originals wurden nach Möglichkeit beachtet. Orthographie und Interpunktions wurden jedoch überarbeitet und vereinheitlicht, die auffällig vielen Druckfehler wurden verbessert. So wurde stets gedruckt *i* für *j*, *v* für konsonantisches *u*, *u/V* für vokalisches *u/U*, *paen-/saed-/faemin-* für *poen-/foed-/foemin-* (36, 36, 276, 644, 661, 1074, auch 619 *paene* statt *pene*), aber *Coel-* für *Cael-* (1250, 1269), *deprehensus* für *depraehensus* (230), *lit-* für *litt-* (A8, A13); enklitisches *-ne*, *-nam* ohne Abstand (94, 201, 575, 645, 892, 1173, 1303; 980) zusammen *adhaesit* (1263), *derepente* (795), *nondum* (294, 862, 986, 1337), mit Apostroph *audin'* (809), *nostin'* (891), *vultin'* (898), *viden'* (1313). Groß geschrieben wurde: *Augustus/Augusta* (11, 347, 791), *Styx/Styg-* (349, 425, 605, 648, 737, 1037, 1097, 1257) sowie 104 *Imperatrix*, 138 *Caesar*, 237 *Praesul*, 249 *Aetheris*, 288 *Caesaris*, 397 *Eoi*, 415 *Domina*, 426 *Orcum*, 442 *Caesar*, 476 *Caesar*, 487 *Polus*, 588 *Cerberi*, 606 *Avernalem*, 607 *Erymnys*, 613 *Tartareo*, 630 *Phaedri*, 657 *Patronum*, 740 *Orco*, 894 *Domina*, 912 *Dominae*, 916 *Coelo*, 922 *Phaedro*, 1067 *Dominam*, 1078 *Patroni*, *Patris* (wie 1054), 1094 *Erymnys*, 1221 *Polus*, 1245 *Tartaream*, 1250 *Aether*, 1269 *Coeli*; klein dagegen: *aula* (442, 468, 477), *coniux* (842, 1291, 1316), *regia* (920, 1005, 1094), *uxor* (A13, 13, 731, 946, 995) sowie 3 *culmen*, 36 *sed faeminae*, 95 *conclavia*, 147 *complexus*, 244 *castris*, 365 *adhuc*, 440 *candens*, 500 *orbis*, 556 *flores*, 556 *martis*, vor 581 *epistolam*, 581 *lux*, 679 *amor*, 739 *papyrus*, 742 *pagina*, 759 *iussa*, 771 *ferrum potius an probas*, vor 804 *epistolam*, 959 *amice*, 972 *principi*, 1001 *perfida*, 1290 *arbitrae*, 1329 *terrae*, 1359 *amor*.

Im Darstellerverzeichnis wurde *Hyllus* statt *Illus*, *Achatius* statt *Acatus* gesetzt; die erläuternden Zusätze wurden nach den Formulierungen des ‘Argumentum’ und V.64, 1066 gegeben. Vor Szenenbeginn wurden 3,5, 3,8, 4,4, 5,5, 5,9 die Darsteller, 5,8 *et postea* ergänzt; geordnet wurde nach der Reihenfolge des Auftritts statt 1,1 *HD*, 3,6 *HD*, 4,1 *ZPhAH*, 4,5 *ZAL*, 4,6 *APh*, 5,6 *HD*, 5,8 *ZAPh*. Nach 406, 558 zentriert, im Gegensatz zu den anderen groß und normal geschriebenes *Fit ludicum*, *Fit chorea* wurde als Regieanweisung gewertet; die Regieanweisungen nach 784, 919 bzw. 1304 wurden nach 785, 917 bzw. 1303a verschoben.

20	<i>amantis perditae</i> statt <i>amantisperd itè</i>
43	<i>fraudi</i> statt <i>frandi</i>
73	<i>iussa</i> statt <i>iusta</i>
91	<i>Auguste</i> statt <i>AAguste</i>
125	<i>arcto</i> statt <i>arcta</i>
128	<i>muliebres</i> statt <i>mnliebres</i>
140	<i>iussis</i> statt <i>iustis</i>
158	<i>arcana</i> statt <i>arcaua</i>
195	<i>invidentis</i> statt <i>invideutis</i>
207	<i>quales</i> statt <i>qualcs</i>
219	<i>fraudis</i> statt <i>frandis</i>
v234	<i>Leontius</i> statt <i>Leontiut</i>
238	<i>urgentem</i> statt <i>urgenrem</i>
259	<i>poenitet</i> statt <i>poeniter</i>
267	<i>sese</i> statt <i>scse</i>
268	<i>Hyllum</i> statt <i>Hyllnm</i>
311	<i>nova</i> statt <i>nona</i>
312	<i>Hyl.</i> statt <i>Kyl.</i>
314	<i>vices</i> statt <i>vives</i>
330	<i>somniis</i> statt <i>somiis</i>
375	<i>servire</i> statt <i>servi re</i>
383	<i>lingua</i> statt <i>lingna</i>
384	<i>conatus</i> statt <i>covatus</i>
386	<i>succussus</i> statt <i>suecussus</i>
405	<i>flores</i> statt <i>flotes</i>
423	<i>salus</i> statt <i>satus</i>
437	<i>novum</i> statt <i>noteum</i>
468	<i>invidentem</i> statt <i>invidenrem</i>
476	<i>mens</i> statt <i>maens</i>
488	<i>caput</i> statt <i>capnt</i>
505	<i>tumentem</i> statt <i>tnmentem</i>
507	<i>false</i> statt <i>falle</i>
516	<i>caeptis</i> statt <i>captis</i>
539	<i>fraudis</i> statt <i>frandis</i>
546	<i>tendens</i> statt <i>rendens</i>
551	<i>prae caeteris</i> statt <i>praecaeteris</i>

552	<i>geret</i> statt <i>gerer</i>
567	<i>tentum</i> statt <i>t ntum</i>
567	<i>face</i> statt <i>fare</i>
607	<i>Erymnys</i> statt <i>erimnys</i>
619	<i>caute</i> statt <i>cante</i>
625	<i>eluditur</i> statt <i>eleditur</i>
626	<i>cadente</i> statt <i>cadent</i>
630	<i>unguibus</i> statt <i>uniguibus</i>
v637	<i>aenigma</i> statt <i>enigma</i>
637	<i>aenigma</i> statt <i>aenigma</i>
669	<i>instabile</i> statt <i>instabille</i>
672	<i>neges</i> statt <i>veges</i>
674	<i>quid</i> statt <i>qnid</i>
674	<i>malignas</i> statt <i>maligwas</i>
677	<i>sceptra</i> statt <i>seeptra</i>
744	<i>annulum</i> statt <i>annnlum</i>
752	<i>manu</i> statt <i>mann</i>
758	<i>defer</i> statt <i>dcfer</i>
764	<i>dedecora</i> statt <i>dedeeora</i>
802	<i>Styx</i> statt <i>Syx</i>
846	<i>Cerbereo</i> statt <i>cerbero</i>
882	<i>iuvat</i> statt <i>iunat</i>
895	<i>tuetur</i> statt <i>tueuur</i>
898	<i>eloquar</i> statt <i>eloqnar</i>
959	<i>tuus</i> statt <i>tuns</i>
965	<i>claudunt</i> statt <i>clandunt</i>
974	<i>fidem</i> statt <i>fiaem</i>
999	<i>putatur</i> statt <i>pntatur</i>
1008	Zeno statt Ye.
1024	<i>adorat</i> statt <i>adurat</i>
1031	<i>mortales</i> statt <i>morrales</i>
1039	<i>saeptum</i> statt <i>saepsum</i>
1088	Zenoni statt Zeuoni
1093	<i>sceptrum</i> statt <i>sceptrnm</i>
1143	<i>velint</i> statt <i>veliut</i>
1163	<i>nimum</i> statt <i>uimium</i>
1210	<i>instruentem</i> statt <i>instruenrem</i>
v1224	<i>supervenit</i> statt <i>supervenet</i>
1224	<i>supremos</i> statt <i>snpremos</i>
1229	<i>nunquam</i> statt <i>numquam</i>
1251	<i>tonat</i> (<i>sonat?</i>) statt <i>onat</i>
1284	<i>meque</i> statt <i>m que</i>
1295	<i>cur</i> statt <i>cnr</i>
1299	<i>facem</i> statt <i>sacem</i>
1332	<i>monstrum</i> statt <i>manstrum</i>
1361	<i>error</i> statt <i>orror</i>
1373	<i>Polus</i> statt <i>Polns</i>

'Komma' gestrichen vor *et, atque, -que, neque, nec, aut, vel, -ve, an, quam* u.ä.: A2, A2, A4, A6, A11, A12, 2, 4, 11, 44, 47, 53, 54, 56, 57, 62, 69, 72, 76, 81, 89, 89, 108, 109, 113, 116, 122, 123, 125, 126, 127, 150, 158, 158, 160, 179, 199, 207, 212, 213, 233, 244, 249, 252, 256, 263, 270, 273, 276, 292, 293, 321, 324, 332, 335, 337, 338, 342, 343, 345, 347, 351, 354, 356, 359, 360, 368, 370, 390, 401, 404, 418, 422, 428, 452, 457, 464, 470, 478, 489, 490, 491, 492, 497, 501, 511, 527, 544, 549, 554, 556, 565, 573, 594, 598, 602, 602, 609, 619, 631, 639, 641, 645, 657, 664, 665, 666, 693, 695, 715, 730, 741, 743, 747, 753, 759, 771, 774, 775, 780, 804, 805, 831, 832, 834, 835, 852, 868, 874, 917, 934, 935, 936, 947, 954, 957, 960, 963, 980, 1024, 1028, 1029, 1032, 1033, 1036, 1041, 1050, 1054, 1065, 1072, 1073, 1076, 1078, 1086, 1107, 1114, 1122, 1124, 1132, 1135, 1144, 1145, 1154, 1155, 1167, 1179, 1193, 1195, 1196, 1201, 1209, 1223, 1235, 1236, 1247, 1254, 1256, 1274, 1276, 1277, 1278, 1278, 1289, 1290, 1303, 1304, 1309, 1318, 1320, 1320, 1330, 1330, 1345, 1353, 1356

'Komma' gestrichen nach: 31 *cadente*, 94 Zeno, 129 *uxoris*, 129 *oculatos*, 131 *me*, 227 *fraudis*, 228 *turpis*, 287 *uxor*, 288 *Hyllum*, 301 Zeno, 457 *falsa*, 537 *remissa*, 540 *creditur*, 588 *heu*, 614 *atrox*, 659 *impia*, 688 *Dite*, 771 *ferrum*, 780 *atramenta*, 808 *felulus*, 940 *silente*, 988 *arcana*, 1047 *vota*, 1057 *Phaedro*, 1103 *vertici*, 1221 *Polus*, 1239 *Augusta*, 1244, 1319 *parum*, 1319 *vereri*, 1335 *coniugis*, 1368 *bis*, 1370 *benigna*

'Komma' ergänzt: A1, A1, A3, A4, A5, A5, A6, A8, A11, 38, 47, 62 *te*, 101, 139, 149, 162, 163, 179, 188, 229 *prosit*, 242 *fastus*, 254, 254, 258, 262 *et*, 278 *caput*, 288 *prece*, 292, 293, 297 *cruorem*, 297 *Caesar*, 311, 317 *lustrare*, 325, 329, 330, 331, 332 *et*, 352, 352, 358,

360 *medullas*, 360 *et*, 365, 377, 380, 395 *aulae*, 397, 407 *pubes*, 410, 413, 416, 417 *premit*, 420, 420, 429 *literas*, 430, 433 *unde*, 435 *ut*, 439, 442, 442, 443, 444 *pavescit*, 472, 473 *precibus*, 476 *mens*, 488, 494, 506 *Charybdim*, 508, 516 *caeptis*, 517, 537, 546, 547, 548, 554, 556, 561 *parva*, 563, 564, 564, 566, 566, 568, 580, 593 *salus*, 598, 600 *fera*, 614, 638, 643 *cur*, 646, 649, 654 *cruor*, 655, 668, 669 *instabile*, 670 *max*, 671, 672, 674, 675, 675, 677 *prodam*, 678, 701, 712, 713 *Coelum*, 729 *nunc*, 736 *te*, 739, 741 *et*, 745 *heu*, 746, 749, 749, 756, 761, 761, 763, 765, 769, 769, 770, 772, 775, 776, 785, 786, 787, 801 *squalleas*, 809 *audin'*, 815, 817 *heu*, 818, 821 *libuit*, 821 *fortunas*, 823, 827, 829, 838, 840 *lepor*, 842, 844, 848, 873 *sed*, 886 *veri*, 889, 889, 895, 902 *pande*, 907, 909, 914, 914, 915 *vestro*, 918, 919, 921, 924 *heu*, 927, 927, 948 *admovebit*, 948 *ferrum*, 950, 950, 955, 956, 957 *horrenda*, 957 *et*, 958, 959 *iste*, 961, 965, 967 *favor*, 974, 977, 997, 1004, 1008, 1008, 1009 *nunc*, 1018 *vomit*, 1019, 1024, 1024, 1029 *et*, 1046 *texam*, 1053, 1058, 1061 *novi*, 1062, 1062, 1065, 1066, 1069 *paterno*, 1071, 1071, 1079 *tuo*, 1080, 1081, 1081, 1088, 1102 *nunc*, 1102 *Zeno*, 1104 *fare*, 1115 *et*, 1130, 1143, 1157, 1163, 1163, 1165, 1167, 1168, 1173 *prius*, 1178, 1195, 1195, 1197 *heu*, 1197 *repente*, 1197 *heu*, 1203 *telum*, 1204, 1205, 1211, 1211, 1211, 1222 *Zeno*, 1229, 1233, 1246, 1251, 1262, 1269 *ipse*, 1287 *dabis*, 1287 *carnifex*, 1292 *coniugem*, 1292 *Caesar*, 1294, 1295 *heu*, 1295 *Pater*, 1298, 1299, 1299, 1300, 1302 *effare*, 1310, 1312, 1313 *viden'*, 1313 *Zeno*, 1332 *ferrum*, 1337, 1340 *quid*, 1341, 1341, 1341, 1348, 1357, 1371

'Komma' statt 'Punkt': 13, 21, 77 *optant*, 142, 805, 961

'Komma' statt 'Doppelpunkt': 25, 574, 859, 901

'Komma' statt 'Strichpunkt': 8, 67, 83, 89, 91 *diem*, 186, 198, 216, 226, 256, 468, 492, 532, 541, 623, 624, 653, 707, 791, 795, 811, 814, 832, 861 *furor*, 1035, 1083, 1085, 1096, 1146, 1151, 1206, 1243, 1252, 1253, 1322 *monstra*, 1343, 1351, 1358, 1362

'Komma' statt 'Fragezeichen': 115, 518, 730, 798, 993

'Komma' statt 'Ausrufezeichen': 609

'Punkt' gestrichen: 666 *pudoris*, 771 *ferrum*, 981 *faces*

'Punkt' ergänzt: 8, 64, 78, 110, 127, 130, 133, 137 *animus*, 138 *nego*, 171, 224, 227, 233, 290, 306 *detrahit*, 321, 327, 331, 341 *papyrus*, 359, 363, 379, 412, 462, 465, 467, 540, 543 *siste*, 549, 554, 559, 656, 665, 678, 679, 682, 748, 796, 829, 835, 858, 906, 929, 944, 955 *monet*, 987 *notis*, 1029, 1091, 1151, 1202, 1212, 1214 *manu*, 1215 *dolo*, 1228, 1236, 1275, 1347, 1359, 1375

'Punkt' statt 'Doppelpunkt': A8, 84, 93, 108, 148, 193, 307, 323, 352, 357, 372, 429, 449, 498, 522, 596, 622, 705, 711, 713, 790, 815, 822, 854, 863, 989, 1154, 1279

'Punkt' statt 'Strichpunkt': 41, 121, 178, 184, 188, 194, 271, 318, 377, 417, 471, 494, 562, 579, 616, 699, 763, 778, 806, 914, 933, 951, 955, 1000, 1060, 1088, 1110, 1119, 1128, 1166, 1247, 1251, 1271, 1299 *omnes*, 1340, 1358, 1363

'Punkt' statt 'Komma': 218 *fortius*, 354, 370, 403, 436, 568, 636, 921, 974, 1103, 1184

'Punkt' statt 'Fragezeichen': 519

'Strichpunkt' gestrichen: 437 *notum*, 1005 *fuge*, 1096 *crea*, 1366 *arsit*

'Strichpunkt' ergänzt: 1067, 1242

'Strichpunkt' statt 'Punkt': 381, 591

'Strichpunkt' statt 'Doppelpunkt': 13, 259, 376, 456, 520, 655, 696, 732, 868, 930, 952, 964, 1034, 1043, 1117, 1191, 1257, 1327, 1355

'Strichpunkt' statt 'Komma': A11, 82, 247, 272, 315, 424, 544, 561, 573, 617, 725, 754, 772, 811, 820, 828, 832, 844, 902, 950, 974, 1020, 1066, 1086, 1166, 1204, 1218, 1245

'Doppelpunkt' ergänzt: A3, 556, 614, 652, 743, 812, 908, 963

'Doppelpunkt' statt 'Punkt': vor 581, nach 770, nach 803, 1072

'Doppelpunkt' statt 'Strichpunkt': 15, 189, 269, 369, 427, 571, 756, 764, 867, 1089, 1153, 1361

'Doppelpunkt' statt 'Komma': 143, 627, 1291

'Fragezeichen' statt 'Punkt': 637, 956, 993

'Fragezeichen' statt 'Ausrufezeichen': 566, 668

'Ausrufezeichen' ergänzt: 255

'Ausrufezeichen' statt 'Punkt': 755, 924

'Ausrufezeichen' statt 'Strichpunkt': 577

'Ausrufezeichen' statt 'Fragezeichen': 1234, 1367

'Anführungszeichen' ergänzt: 581ff., 584ff., 589ff., 598f., 602ff., 804ff., 813ff.

'Gedankenstriche' statt 'Klammern': 60, 662